

SKUPŠTINA KANTONA SARAJEVO

**ZAPISNIK
SA PRVE RADNE SJEDNICE SKUPŠTINE KANTONA SARAJEVO
ODRŽANE U SRIJEDU, 19.12.2018. GODINE SA POČETKOM RADA U 10,00 SATI**

Sarajevo, decembar 2018

Predsjedavajući Elmedin Konaković (u daljem tekstu: predsjedavajući) je otvorio Prvu Radnu sjednicu Skupštine Kantona Sarajevo.

/HIMNA/

Predsjedavajući je informisao da prema evidenciji Službe, sjednici prisustvuje 30 zastupnika, što je dovoljan broj za punovažan rad i odlučivanje te da su izostanak sa ove sjednice opravdale zastupnice Jasmina Bišćević – Tokić i zastupnice Admela Hodžić.

Sjednici prisustvuju poslanici/zastupnici:

SDA - STRANKA DEMOKRATSKE AKCIJE

1. Hamed Aljović
2. Samra Čosović-Hajdarević
3. Aljoša Čampara
4. Mirza Čelik
5. Sabahudin Delalić
6. Mahir Dević
7. Amra Hasagić
8. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Edin Forto
4. Vibor Handžić
5. Damir Marjanović

SOCIJALDEMOKRATSKA PARTIJA BOSNE I HERCEGOVINE

1. Damir Nikšić
2. Srna Bajramović Srna
3. Igor Stojanović
4. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Jasna Duraković
2. Mirvad Kurić
3. Zvonko Marić
4. Dževad Poturak

DEMOKRATSKA FRONTA

1. Senad Hasanović
2. Bibija Kerla

3. Sead Milavica

NEZAVISNA BOSANSKOHERCEGOVAČKA LISTA

1. Amra Junuzović-Kaljić
2. Fahrudin Pecikoza

BOSS-BOSANSKA STRANKA – MIRNES AJANOVIĆ

1. Haris Pleho

Predsjedavajući je informisao da je Prijedlog dnevnog reda Prve radne sjednice Skupštine Kantona Sarajevo utvrdio je Kolegij Skupštine na sjednici održanoj dana 07.12.2018.godine i da je na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo dana 14.12.2018. godine prihvatio zahtjev Komisije za izbor i imenovanja i administrativna pitanja, da se Prijedlog dnevnog reda Prve Radne sjednice, dopuni sa sljedećom tačkom:

1. Prijedlog odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo (razmatraće se kao tačka 4.)

UTVRĐIVANJE DNEVNOG REDA SJEDNICE

Predsjedavajući je informisao da je Prijedlog dnevnog reda Prve radne sjednice sljedeći:

1. Poslanička/zastupnička pitanja, inicijative i odgovori;
2. Nacrt Budžeta Kantona Sarajevo za 2019.godinu;
3. Nacrt zakona o izvršavanju Budžeta Kantona Sarajevo za 2019. godinu;
4. Prijedlog odluke o izboru predsjedavajućih, zamjenika predsjedavajućih i članova stalnih radnih tijela, Skupštine Kantona Sarajevo.

U NASTAVKU PREDSJEDAVAJUĆI JE POZVAO ZASTUPNIKE DA SE IZJASNE O PREDLOŽENOM DNEVNOM REDU I NAKON GLASANJA JE KONSTATOVAO DA JE SKUPŠTINA JEDNOGLASNO (30 „ZA”) USVOJILA DNEVNI RED KAKO JE I PREDLOŽEN.

Predsjedavajući Konaković prije početka realizacije prve tačke dnevnog reda „Poslanička/zastupnička pitanja, inicijative i odgovori” upoznao zastupnike i zastupnice sa odredbama Poslovnika koje se odnose na tzv. Vladin sat:

„Na svakoj redovnoj sjednici izdvojiće se sat vremena (Vladin sat) za poslanička/zastupnička pitanja, na početku sjednice, kojem obavezno prisustvuju premijer i članovi Vlade.”

„Jedan poslanik/zastupnik na jednoj redovnoj sjednici može postaviti najviše dva poslanička/zastupnička pitanja.”

„Odgovori na poslanička/zastupnička pitanja mogu se davati usmeno ili pismeno.“

„Poslanici u okviru tačke dnevnog reda „Poslanička pitanja i odgovori“ imaju pravo i dužnost da pokreću inicijative iz nadležnosti Skupštine Kantona.”

„Poslaničko/zastupničko pitanje se podnosi predsjedavajućem Skupštine u pisanoj formi, a on ga odmah prosljeđuje predsjedniku Vlade ili onom ministru kome je upućeno.”

„Poslanik/zastupnik koji postavlja poslaničko pitanje u podnesku navodi da li traži usmeni odgovor na sjednici Skupštine ili pisani odgovor.”

„Poslanička/zastupnička pitanja u pisanoj formi dostavljaju se najkasnije do zaključenja sjednice.”

„Kada se traži usmeni odgovor, podnesak je jasno i kratko formulisan jednim pitanjem.”

Obrazloženje pitanja obavlja se tako što poslanik/zastupnik postavlja pitanje u vremenu do tri minute, nakon čega premijer ili nadležni ministar odgovara u istom trajanju.

„Ukoliko poslanik/zastupnik nije zadovoljan odgovorom, može postaviti novo pitanje u vremenu od dvije minute, nakon čega se premijeru ili nadležnom ministru omogućava odgovor u istom trajanju.”

„Nakon drugog odgovora predsjedavajući Skupštine zaključuje razmatranje tog pitanja i daje riječ slijedećoj osobi ovlaštenoj da govori.”

Realizacija prve tačke dnevnog reda počela je u 10 sati i 22 minute.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Predsjedavajući je podsjetio zastupnike i zastupnice da se prijave ukoliko žele postavljati pitanja i pokretati inicijative. Prvi se za riječ javio zastupnik Damir Nikšić i iznio je sljedeće: „Ovo baš je malo. Au kako će ja to sada skratiti. Ja sam ne znam pokušat će da sažmem. Samo da prijavim neke inicijative. Ja mislim da bi, da svi ostale misle da budžetska rješenja u narednoj godini treba da idu u pravcu rješavanja zagađenja. Već smo odlučili da moramo kupiti neke instrumente, da će budžet ići u tom pravcu. Ja bih još predložio samo da se tuspasim ovdje predložio bih još neke stvari a to je da probamo da odvojimo sredstva.”

Zastupnik Senad Hasanović je podnio sljedeće:

„Zahvaljujem gospodine predsjedavajući. Pozdravljam sve prisutne. Za ovu sjednicu imam jednu inicijativu i jedno pitanje. U ime Kluba zastupnika DF-a upućujem inicijativu prema MUP-u Kantona Sarajevo i Vladi Kantona Sarajevo da se hitno poveća broj policijski službenika u PS Vogošća. Dat će i kratko obrazloženje. Općinsko vijeće Vogošća na svojim redovnim sjednicama 2017 i 2018 godine razmatralo je informaciju o radu PU Vogošća Ilijaš, PS stanice Vogošća, odnosno Informaciju o stanju kriminaliteta JRiM i sigurnosti saobraćaja na području općine Vogošća pri čemu su doneseni sljedeći zaključci:

- Zaključak donesen na 3. redovnoj sjednici Općinskog vijeća 26.01.2017 godine Općinsko vijeće Vogošća traži od Vlade Kantona Sarajevo, premijera Vlade kantona, ministra MUP-a Kantona Sarajevo i komesara policije Kantona Sarajevo da se urgentno poveća broj p/s u PS Vogošća. Broj policijskih službenika nije u skladu niti sa stanjem kriminaliteta niti sa brojem stanovnika Općine Vogošća. Zaključak donesen na 14. redovnoj sjednici općinskog vijeća 31.01.2018 godine glasi: Da se ispred Općinskog vijeća Vogošća od nadležnih policijskih organa hitno traži da isti iznađu mogućnost povećanja broja p/s u PS Vogošća, imaju u vidu da je postojeći broj nezadovoljavajući i nedostatan. Da se organi PS popune u skladu sa pravilnikom o unutrašnjoj organizaciji MUP-a Kantona Sarajevo. Obzirom da Općinsko vijeće Vogošća nije informisano da je došlo do ispunjenja navedenih zahtjeva, održana je i vanredna sjednica Općinskog vijeća Vogošća 13.12. 2018 godine. Na vanrednoj sjednici su

ponovo doneseni zaključci u kojima se pored ostalog insistira na povećanju broja p/s u policijskoj stanici Vogošća. Usvojeni zaključci su po treći put upućeni prema višim nivoima vlasti. Te stoga pozivam Vladu Kantona Sarajevo, MUP da konačno shvate ozbiljno upućene zahtjeve i poduzmu mjere u cilju poboljšanja sigurnosne situacije u ovoj općini kako ne bi došli u situaciju da Skupština Kantona Sarajevo ponovo raspravlja o sigurnosnim prijetnjama i događajima sa tragičnim posljedicama.

Pitanje upućujem Ministarstvu obrazovanja, nauke i mladih, zašto su diplomanti i magistranti Medicinskog fakulteta prilikom dodjele diploma odvojeni od ostatka akademske zajednice i ko će preuzeti odgovornost što su disonantne tonove između uprave Medicinskog fakulteta i Senata UNSA s druge strane cijenu platili studenti. Da li je i šta resorno Ministarstvo poduzelo povodom samoinicijativnih odluka Medicinskog fakulteta o izdvajanja iz UNSA.”

Zastupnik Aljoša Čampara je podnio sljedeće zastupničko pitanje:

„Zahvaljujem predsjedavajući. Na osnovu člana 211 i 212 poslovnika o radu Skupštine Kantona Sarajevo podnosim sljedeće zastupničko pitanje. Obzirom da su se u javnosti pojavile oprečne informacije sa p.d. Termalna rivijera Iliđa čiji je suosnivač Kanton Sarajevo koji govore o tome da se na zemljište koje je ugovorom o zajedničkom ulaganju dodijeljeno na korištenje u svrhu izgradnje banjsko lječilišnog kompleksa navodno grade stambene zgrade od strane trećih lica, želim postaviti sljedeće zastupničko pitanje nadležnim institucijama u sistemu vlasti u Kanton Sarajevo jer smatram da ova Skupština mora znati pravo stanje u p.d. čiji je suosnivač i suvlasnik. Pa se opravdano postavlja pitanje kako je moguće da je Skupština Kantona Sarajevo donijela odluku o neprihvatanju ponude Terme Čatež kada ta ponuda navodno nije bila u skladu s ugovorom o osnivanju d.o.o. Terme Iliđa, tj sa članom 24. Ugovora koji propisuje da je uslov za prijenos udjela tek nakon završetka investicije, a navodno da investicija nikada nije završena. Te kako je Skupština kantona donijela odluku iako za istu nije dobila mišljenje Pravobranilaštva Kantona Sarajevo koje umjesto mišljenje koje je dužno dati po zakonu, dalo izjašnjenje u formi informacije, ma što to značilo. Da li su zastupnici dovedeni u zabludu? Da li je Vlada prije utvrđivanja prijedloga o neprihvatanju ponude firme Terme Čatež izvršila analizu i pribavila informaciju u kojoj mjeri je investicija realizirana, tj u kojoj mjeri su izvršene obaveze suosnivača iz Ugovora o zajedničkom ulaganju, te da li je izvršena ikakva ekomska procjena ove ponude, kada znamo da je KS suvlasnik i suosnivač p.d. Termalna Rivijera u iznosu od 10% pa se po tome radi o imovini kantona, odnosno imovinskom interesu Kantona u slučaju prihvatanja ponude po pravu preče kupnje Kanton Sarajevo bi postao vlasnik i 90% udjela koje su imale Terme Čatež pa se i po tom osnovu radi o imovini i imovinskim interesima kantona u skladu sa članom 14, 15 i 16 Zakona o pravobranilaštву Kantona Sarajevo, i njegovim nadležnostima. Opravdano se postavlja pitanje kako je moguće da Vlada Kantona Sarajevo traži mišljenje od Kantonalnog Pravobranilaštva jer se radi o imovini Kantona, a Pravobranilaštvo Kantona Sarajevo odgovori da nije nadležno za davanje mišljenja jer se ne radi o imovini kantona. Šta znači, kojim zakonom u Pravobranilaštву je propisano da Pravobranilaštvo dostavlja akt u formi izjašnjenja Vladi Kantona Sarajevo a odbija da dostavi mišljenje za što je nadležno Zakonom o Pravobranilaštву Kantona Sarajevo u svojim članovima 14,15, i 16 istog Zakona. Na kraju tražim informaciju na koga je, tj na koji privredni subjekat je uknjiženo zemljište od cca 20 hektara, odnosno 200 duluma koje prema prvobitnom ugovoru od strane Kantona Sarajevo dato na korištenje Termalnoj rivijeri. Radi li se o pravu korištenja ili pravu vlasništva, te da li su tačne informacije da se zemljište već prodaje trećim licima, i ako jesu na koji način se vrše takve transakcije? Radi li se to uz saglasnost Kantona Sarajevo kao suosnivača, Skupštine preduzeća u kojoj Kanton Sarajevo ima suvlasnički dio te kome pripadaju prihodi od takve prodaje? Na kraju tražim da mi se dostavi informacija, jesu li objekti koji su izgrađeni u posljednje tri godine nakon izlaska slovenskog partnera izgrađeni u skladu sa Urbanističkom saglasnošću broj:05-04-23/1-3/00 od 15.05.2000 godine koji je

sastavni dio ugovora i da li je moguće da sada u sklopu banjsko lječilišnog kompleksa prave stambene zgrade od strane trećeg lica. Tražim odgovor u pisanim oblicima i dostavljam vama isto u pisanim oblicima.”

Zastupnik Damir Marjanović je uputio dva pitanja i jednu inicijativu:

„Zahvaljujem predsjedavajući. Dobro jutro svim kolegama i kolegicama, predstavnicima Vlade, medijima, auditoriju i gledateljima TVSA. Dakle imam dva pitanja i jednu inicijativu. Prvo pitanje se odnosi na hitnu sjednicu Skupštine Kantona Sarajevo koju smo imali prije tačno dvije sedmice. Tada smo usvojili dokument gdje smo rekli i dali rok Vladi Kantona Sarajevo da u roku od 15 dana napravi izmjene i dopune Plana interventnih mjera u slučajevima prekomjernog zagađenosti zraka pa postavljam pitanje da li je Vlada Kantona Sarajevo usvojila navedene izmjene i dopune i ako jeste u kojim konkretno izmjenama i dopunama se radi s obzirom da rok ističe dana u ponoć, zamolit će da koliko je sutra dostave u pisanoj formi odgovor. Druga stvar, drugo pitanje je da je dana 15.11.2018 godine Skupština Kantona Sarajevo donijela određene zaključke vezane za strategiju realizaciju zaključaka Skupštine Kantona Sarajevo za rad sa djecom sa poteškoćama u razvoju pa me zanima da li je ministarstvo za obrazovanje, nauku i mlade Kantona Sarajevo poduzelo određene aktivnosti i koje aktivnosti je poduzelo, a posebno me zanima da mi se pojmove aktivnosti vezane za djelovanje, funkciranje interresorne grupe. I na kraju imam inicijativu da se po hitnoj proceduri izvrše izmjene Zakona o naučno-istraživačkoj djelatnosti i to člana 8 stav 1 te da se postojeći tekst ovoga stava korigira i da glasi Sredstva za podršku naučno istraživačkoj djelatnosti u smislu ovoga Zakona osiguravaju se u godišnjem iznosu od najmanje 1% Kantona. Malo pojašnjenje, sva zemlja uvijek, posebno u proteklim desetljećima uvijek povećava svoja izdavanja za naučno-istraživačku djelatnost, posebno kada budžeti rastu. Sada vidimo da budžeti rastu. S obzirom da je ovaj broj trenutno u zakonu predviđen da je minimalno 0,65% izdavanja od Kantona za naučno istraživačke djelatnosti, a da je težnja EU da se ide prema 3% BDP mislim da ovaj broj u samom Zakonu da se izmjeni, a definitivno ne treba da se limitira gornja granica koja je sada tamo do 2% postavljena. Zahvaljujem se.”

Zastupnica Jasna Duraković je podnijela dva zastupnička pitanja i jednu inicijativu:

„Zahvaljujem predsjedavajući. Ja srdačno pozdravljam sve kolege i kolegice. Naravno kompletan auditorij i gledatelje KTV Sarajevo. Ja imam danas dva zastupnička pitanja i jednu inicijativu. Prvo zastupničko pitanje upućujem vama predsjedavajući i Komisiji za obilježavanje, čuvanje i njegovanje historijskih događaja i ličnosti. Dakle, tom Komisijom je u prethodnom mandatu predvodio Nermin Bjelak i pitanje postavljam u cilju saznanja zašto se u proteklog godini nije razmatralo davno usvojena i odobrena inicijativa od strane Opštinskog vijeća Općine Centar o preimenovanju parka Hastahana na Marijin dvoru u Trg profesora doktora Nijaza Durakovića i kada će se konačno usvojiti i potvrditi zapravo ova odluka koja je upućena prema ovoj komisiji? Ja očekujem da ćemo danas u toku dana formirati ova nova radna tijela tako da evo mogu taj odgovor možemo ostaviti za kasnije naravno. A drugo zastupničko pitanje upućujem Ministarstvu zdravstva Kantona Sarajevo i prvenstveno ministrici Ademaj, potom rektoru UNSA, predsjedniku UO UNSA; direktoru Studentskog centra i predsjedniku SPUSA. Naime, moram kratko objasniti o čemu se radi prije nego postavim pitanje. Izvještaj o aktivnostima vezano za skrining preglede mladih i studenata od strane Zavoda za zdravstvenu zaštitu studenata UNSA je dostavljen na navedene adrese gore pomenute kao prijedlog da se ovakva forma skrining pregleda, tj sistematskih pregleda studenata ozakoni u zdravstvenom sistemu Kantona Sarajevo u cilju prevencije raznih akutnih bolesti koje najčešće nastaju upravo u ovoj populaciji. Skrining pregledi bi naime podrazumijevali preventivne preglede kojima se ispituje populacija naizgled zdravih ljudi kako bi se pronašle one osobe koje pokazuju rane znakove neke bolesti ili predispoziciju

nekog oboljenja. Nakon provedenog anketiranja 2017 godine od strane ovog Zavoda za zdravstvenu zaštitu studenata UNSA u studentskim domovina Bjelave i Nedžarići ukazala se prijeka potreba da se zaista ovi pregledi naprve obaveznim, tj da se sistematski pregledi studenata ozakone u Kantonu Sarajevo. Dakle moje pitanje navedenim adresama glasi: zašto se niko od navedenih kojima je upućen ovaj izvještaj nije oglasio po ovom pitanju i pokrenuo dalje ovu inicijativu, tj zašto se ova opcija nije razmotrila na način da se provede javna rasprava o ovoj problematici i da na taj način se olakša njegova realizacija pošto bi ovakav projekt zasigurno imao veliku podršku šire javnosti tako i roditelja i naravno samih studenata. I dalje, inicijativa koju imam je upućena Ministarstvu za obrazovanje, nauku i mlade u Kantonu Sarajevo, na izazove u obrazovanju u BIH se rijetko odgovara adekvatnih reformskim politikama a sama oblast obrazovanja je u posljednjem mandatu je zaista bila na margini reformskih procesa u ovoj zemlji. Javne konsultacije se u BIH odvijaju na samom kraju procesa, iako bi one u pravilu trebale prethoditi formulaciji reformskih mjera. Ovom prilikom upućujem zastupničku inicijativu Vladi Kantona Sarajevo i Ministarstvu obrazovanja, nauke i mladih Kantona Sarajevo za neophodnom adekvatnom formulacijom aktivnosti koja će za cilj imati u što skorijem vremenu provođenje javnih konsultacija u formulaciji najprioritetnijih reformskih zahvata u oblasti obrazovanja u Kantonu Sarajevo. U njima učešće trebaju uzeti predstavnici civilnog društva koji svojim znanjem i iskustvom mogu značajno doprinijeti.”

Zastupnica Bibija Kerla je postavila dva pitanja i podnijela dvije inicijative:

„Pozdravljam sve prisutne u sali kao i gledaoce pored TV ekrana. Ja danas imam dva pitanja i dvije inicijative. Moje prvo pitanje se odnosi na Ministarstvo prostornog uređenja. Interesuje me zašto s ene preduzmu mjere za uklanjanje predizbornih plakata i bilborda koji su postavljeni još u oktobru mjesecu. Obrazloženje. Predizborna kampanja je odavno završena ali u našem gradu još uvijek postoji veliki broj reklamnih plakata i bilborda koje podhitno treba ukloniti a odgovorne kazniti jer ih nisu na vrijeme sklonili. Kada će to biti učinjeno i da li će odgovorni biti adekvatno kažnjeni. Molim usmeni i pismeni odgovor.

Pitanje broj dva odnosi se ko određuje cijene ortopedskih pomagala upućeno Ministarstvu zdravstva Kantona Sarajevo. Toalet kolica za invalide, odnosno nepokretne osobe koštaju ni manje ni više nego 387 KM, ta kolica se sastoje od daske za wc, četiri točkića i 4 obične šipke. Jedan bolesni penzioner mora dati cijelu penziju za ta kolica jer mu ZZO ne omogućava da dobije ta kolica. Zavod dodjeljuje obična invalidska kolica koja u slučaju da bolesnik treba do wc-a nemaju nikavu svrhu. Interesuje me da li psotoji mogućnost da se ova kolica uvrste na spisak ortopedskih pomagala koja daje ZZO? Također usmeni i pismeni odgovor.

Moja prva inicijativa se odnosi na Ministarstvo saobraćaja Kantona Sarajevo. Tražim se da se uvede besplatan parking za posjetioce u bolnicama za vrijeme posjeta u vremenu od 15 do 17 sati. Obrazloženje, svjedoci smo veoma velikog broja oboljelih koji se trenutno nalaze na liječenju u državnoj bolnici Abdulah Nakaš i Opštoj bolnici Koševo. Posjetiocu koji dolaze u posjetu bolesnicima se susreću sa velikim problemom parkiranja svojih vozila, dok nađu svoje mjesto i onoga koji naplaćuje izgube pola vremena koje bi proveli sa bolesnicima i zato je moj prijedlog da u navedenom vremenu svi posjetiocu obje bolnice budu oslobođeni plaćanja parkinga, mesta koje iz dana u dan postaje sve skuplji. Ova praksa je već odavno primijenjena u mnogim zemljama EU, pa e vidim razloga da to ne bude i kod nas. Svakako je nenormalno da su parkinzi ispred tržnih centara besplatni a da se ispred bolnica ti parkinzi plaćaju.

Moja druga inicijativa se odnosi na Ministarstvo zdravstva Kantona Sarajevo mogućnost mjerjenja tromjesečnog mjerjenja šećera u krvi u apotekama. Apoteke Sarajevo trenutno vrše uslugu mjerjenja tromjesečnog šećera u krvi za sve stanovnike Kantona Sarajevo i te usluge naplaćuju po cijeni od 15 KM. S obzirom da se ova analiza može izvršiti besplatno na DIPU u

Sarajevu uz posjedovanje uputnice smatram da ista uputnica treba da važi za Apoteku Sarajevo. Time bi se izbjegli dupli troškovi pogotovo stanovnika opštine Ilijaš koji bi mogli ovu analizu vršiti u Apoteci u Ilijašu i tako izbjegći troškove prevoza do Sarajeva i nazad, i to dva puta, zbog analize i zbog toga što bi trebali da podignu nalaze. Interesuje me da li aj trebam ovu inicijativu da predočim danas da bih skupila tih 14 potpisa pa me interesuje šta misli ministrica zdravstva. Molim usmeni odgovor. Hvala lijepo.”

Zastupnica Neira Dizdarević je podnijela sljedeća zastupnička pitanja:

”Hvala uvaženi predsjedavajući. Pozdravljam sve prisutne u sali kao i gledatelje ispred malih ekrana. Pa ja sam za danas, zaista zbog momenta u kojem se nalazimo, s obzirom da ćemo naredne sedmice imenovati Vladu izabrala dva pitanja ili inicijative koje su aktuelne za upravo ovaj sada period koji je pred nama. Moje prvo pitanje upućujem Ministarstvu kulture i sporta Kantona Sarajevo. S obzirom da se Sarajevo sprema za doček Nove godine i da se svi nadamo da će biti barem podjednako uspešan i posjećen kao i prethodne dvije godine, znamo da će centralnu svečanost uveličati jedan od naših najboljih izvođača gđin Hajrudin Varešanović, poznatiji kao Hari Mata Hari. S obzirom da su se u medijima pojavile različite informacije o visini honorara o tome koliko će doček NG koštati građane Kantona Sarajevo ja imam konkretno pitanje, da li će se postupiti u skladu sa Zakonom i istaknutim samostalnim umjetnicima, tačnije član 27 koji nalaže samostalnim umjetnicima da su dužni dva puta godišnje, i to jednom za vrijeme praznika, gdje naravno ubraja se i Nova godina, da bez naknade učestvuju u manifestacijama od značaj. Gđin Varešanović je na listi naših istaknutih umjetnika godinama, tako da ovim putem podsjećam na zakonske odredbe i obavezu naravno poštivanja istih, a pored zakonskih odredaba, tu su naravno i one moralne, da se makar na ovaj način odužimo građanima iz čijih se sredstava i novca uplaćuju doprinosi. Ja ću moliti da s obzirom da znam da je u pitanju model sufinansiranja molit ću ministra kulture i sporta da i ovo pitanje proslijedi Gradskoj upravi. Moje drugo pitanje upućujem Ministarstvu privrede Kantona Sarajevo i preuzeću ZOI od kojeg nisam ja mislim do sada dobila odgovor ni na jedno pitanje. Ali eto bit će prilike u narednom periodu da se radi na tome. Vezano je za povećanje cijena ski karata. Naime u sezoni 2017/2018 na šestosjedu je skidano tzv tri poena ili tačke, to građani koji se bave, koji skijaju znaju bolje za svaki prolaz. Sada jedan prolaz košta pet poena. Dvosjed je skidao 2 poena prošle godine, ove godine tri. Ski liftovi jedan poen, sada dva. Šta to konkretno znači? To znači da se prošle godine za kartu koja je koštala od 100 KM, moglo napraviti 33 vožnje šestosjedom a ove godine 20. Sa ski liftom prošle godine 100 vožnji, a ove godine tek 50. Povećana je cijena i ostalih karata. Pojedinačna karta sa 7 na 8 KM, četverosjedna sa 24 na 30. Noćno skijanje sa 20 na 25, pa čak i baby lift sa 8 na 10. Dakle ne treba ni podsjećati na neslavno otvaranje ski sezone i činjenicu da naš šestosjed malo malo pa ne radi. Dok kolege sa Jahorine sklapaju ugovore da njihova ski karta važi na europskim poznatim skijalištima i imaju povećanu prodaju karata za 140% mi povećavamo ponovo cijene na štetu građana i potpuno nesrazmjerno kvalitetu usluge koju dobivaju. Pa molit ću pismene odgovore na oba pitanja. Hvala.”

Zastupnik Zvonko Marić je postavio sljedeća zastupnička pitanja:

„Zahvaljujem predsjedavajući. Dame i gospodo, drugarice i drugovi, poštovani gledatelji. Moje prvo zastupničko pitanje upućujem Ministarstvu za prostorno uređenje, dakle ministru Lukiću. Molim da mi se odgovori koliko je moguće zbog hitnosti usmeno. U svom dopisu 05/03-23-37335/18 od 13.11.2018. godine obavijestili ste etažne vlasnike o obavezi dostavljanja dokaza o etažnom vlasništvu u skladu sa članom 50. stav 9) Zakona o upravljanju zajedničkim dijelovima zgrada („Sl. Novine Kantona Sarajevo broj 19 /17) molim vas da zbog gledatelja objasnite, budući da su ovo dočekali sa izvjesnom dozom nepovjerenja zbog loših iskustava u ranijem periodu i malo zapovjednim rekao bih maniom ste ih primorali da razmišljaju o ovom postupku, ovom načinu donošenja mjera itd pa da nam kažete da li je ovo

novi udar na džep građana budući da građani zbog neobaviještenosti posežu za ZK izvadcima i stvaraju sebi dodatni trošak. Trebali ste mislim pored kaznenih odredbi koje su tam navedene od 2000 do 5000 KM, obavijestiti etažne vlasnike n koje druge lakše, besplatne načine mogu izvršiti gore pomenutu zakonsku odredbu jer moramo voditi računa i o interesima građana i neobavezivati ih o nečemu što se može i na druge načine osigurati.

Moje drugo zastupničko pitanje: molim da mi se3 dostavi spisak svih pomoćnika ministara u svakom Ministarstvu Vlade Kantona Sarajevo koje će uključivati sljedeće: resori kojima su zaduženi pomoćnici ministara, iznosi mjesecne neto plaće, TO regresa kao i drugih primanja tokom 2018 godine svakog pomoćnika ministra. Spisak komisija, odbora te ostalih organa kao i rukovodećih mjesta u sindikatima, poslova koje obavljaju van organa uprave poput sudskih vještaka i slično, čiji su članovi pomoćnici ministara, uključujući one za koje primaju bilo kakvu naknadu iz javnih sredstava, iznose mjesecnih plaća, naknada koje primaju pomoćnici ministara kao članovi komisija, odbora i ostalih organa i vremenski period od kada obavlja poslove kao članovi gore spomenutih komisija i odbora. Zahvaljujem.”

Zastupnik Mirza Čelik je postavio dva zastupnička pitanja:

„Zahvaljujem predsjedavajući. Ja imam dva poslanička pitanja a prvo pitanje se odnosi na tri Ministarstva: Ministarstvo za rad, socijalnu politiku raseljena lica i izbjeglice, Ministarstvo za boračka pitanja i Ministarstvo kulture i sporta. Pitanje je vezano za dvije zgrade u Otesu, vlasništvo GPA. U kojoj je fazi pregovor za kupovinu tih zgrada jer imali smo priliku da pročitamo kroz printane medije da je Vlada Kantona Sarajevo odnosno resorni ministri da su krenuli u dogovor sa vlasnicima da bi se te zgrade dvije otkupile jer znamo koliki zakup plaćamo za te dvije zgrade. Molio bih na to pitanje usmeni odgovor.

I drugo pitanje jeste za ministra boračkih pitanja, tj d mi kaže da li ima informaciju koliko je na listi čekanja ljudi kojima je dodijeljeno, odnosno pravo na dodjelu stana u 2018, koliko je bilo i koliko imamo danas na listi čekanja tih. Hvala. Također usmeni odgovor. Hvala.”

Zastupnik Vildana Bešlija je uputila sljedeću inicijativu:

„Hvala predsjedavajući. Ja imam jednu inicijativu koja je upućena Ministarstvu prostornog uređenja, građenja i zaštite okoliša Kantona Sarajevo. Naime, obzirom ad je od upozorenja etažnim vlasnicima u zgradama kolektivnog stanovanja u Kantonu Sarajevo izdato od strane kantonalnog Ministarstva prostornog uređenja, zaštite okoliša, do momenta pojašnjenaj gore navedenog upozorenja proteklo 25 dana, te da se pojašnjenje desilo nakon reakcija i iskazanog nezadovoljstva građana od nadležnog Ministarstva zahtijevamo:

1. produženje roka za dostavu dokumenata o vlasništvu upravniku za najmanje 25 dana
2. da od upravnika se zahtjeva da etažne vlasnike obavijeste o istom pismenim putem na način na koji izdaju račune
3. da pisano upozorenje upotpune informacijom o razlozima traženja dokaza o etažnom vlasništvu, te pojašnjenja na koji način se ista mogu pribaviti i dostaviti referirajući se na uvodno rečenicu „zahtjeva od nadležnog Ministarstva da uputi javno izvinjenje građanima koji su 25 dana čekali pojašnjenje i samim tim doveli u zabludu građane i finansijski ih odštetili.

Naime građani i građane Kantona Sarajevo su nesmotreno sročenim upozorenjem dovedeni u zabludu o svojim obavezama vezanim za dostavljanje dokaza o vlasništvu. Reakcija ministarstva u vidu dopunjenoj upozorenja je nepravovremena ali kao takva dokaz je nesmotrenog načina obavještavanja građana o njihovim obavezama. Cilj ovih navedenih mjera je da se šteta nanesena građanima djelimično umanji. Zahtijevam usmeni odgovor. Hvala.”

Zastupnica Segmedina Srna Bajramović je podnijela sljedeće:

„Zahvaljujem predsjedavajući. Pozdravljam sve prisutne. Pa evo potpuno je zanimljivo da sam ja treća zastupnica nakon kolege Marića i kolegice Bešlija koja se bavi istim problemom, no vjerujem da su moja pitanja formulisana na nešto drugačiji način pa neće smetati da još jednom ponovimo o čemu se ovdje radi i ponudimo odgovore naravno zabrinutim građanima. Dakle, Ministarstvo prostornog uređenja, zaštite okoliša informisalo je kako smo čuli stanovnike stambenih zgrada u Sarajevu javnim porukama na oglasnim tablama da upravniku zgrade dostave dokaze o vlasništvu nad stanicom. Rok za dostavljanje dokaza prema Zakonu o uparvljanju zajedničkim dijelovima zgrade je do kraja 2018 godine, a u slučaju da to ne učine, stanarima prijeti novčana kazna u iznosu od 200 do 2000 KM. S obzirom da je veliki broj građana doslovno iznenađen ovom obavezom te da je ostalo još 10 dana da se ista zvanično ispunji, postavljam pitanje resornom ministru, zašto se kompletan problem nije rješavao na način da se upravitelji po službenoj dužnosti pozovu na ovaj član Zakona i obrate registru nekretnina te na taj način osiguraju informacije koje su im neophodne. I ko je garancija da su upravitelji ispunili sve pretpostavke da adekvatno štite lične podatke. Svoje drugo pitanje dostaviti ću u pisanoj formi kako bih nam uštedjela vrijeme za Nacrt budžeta. Hvala.”

Zastupnik Amel Mekić je postavio sljedeća pitanja:

„Hvala predsjedavajući. Pozdrav gledaocima ispred TV ekrana, vama predsjedavajući, dopredsjedavajući, premijeru, ministrima, zastupnicima i gostima. Prvo pitanje, tražim od menadžmenta Medicinskog fakulteta da dostave plate na Medicinskom fakultetu unazad zadnjih šest mjeseci za asistente, više asistente, docente, vanredne profesore i redovne profesore, posebno koeficijente na temelju kojih su obračunavali plate. Konkretno da li je koeficijent za obračun plata na Medicini 220 a propisan zakonom je propisano 104 KM. Drugo pitanje je za predsjednika Turističke zajednice po kojem osnovu je isplaćen regres i koliki je? Želim da mi dostavite iznos isplaćenog regresa i način kako su ga izračunali. Raspolaže se informacijom da je isplaćen u visini od 1200 KM. Tražim pismene odgovore. Hvala vam.”

Zastupnik Elvedin Okerić je pokrenuo inicijativu:

„Zahvaljujem. Poštovani predsjedavajući, zastupnice, zastupnici, članovi Vlade, građani pored malih ekrana, sve vas srdačno selamim i pozdravljam. Imam jednu inicijativu za Ministarstvo saobraćaja te pitanje za ministra obrazovanja. Inicijativa glasi: podnosim inicijativu prema Ministarstvu saobraćaja za vraćanje ležećih policajaca ili usporivača ispred OŠ „9. maj” u ulici Bjelašnička, MZ Pazarić, općina Hadžići. Građani pomenute MZ su jako uznemireni i imaju strah za bezbjednost svoje djece jer je neko iz nekih razloga skinuo ležeće policajce ispred škole. Čak je ostavio saobraćajni znak koji označava ležeće policajce. Kako je bezbjednost djece najbitnija a znamo kako nesavjesni vozači voze, i svjedoci smo svakodnevnih saobraćajnih nesreća na našim putevima, tražim od Ministarstva saobraćaja da riješi ovaj problem građana MZ Pazarić u skladu sa svojim nadležnostima. Pitanje za ministra obrazovanja. I tražim usmeni odgovor. Poštovani ministre, kao što znate novim Zakonom o osnovnom obrazovanju Kantona Sarajevo prvi put se uvodi pravo učenika sa poteškoćama u redovnim školama i centrima na tzv. individualno prilagođeni program IPP kao ključni dokument za njihovo obrazovanje. Između ostalog, ovim dokumentom određuju se svi bitni dokumenti trenutnog razvojnog statusa djeteta, intelektualni, emocionalni, socijalni i zdravstveni. I predstavlja značajnu pomoć učitelju, nastavniku, ne samo u ostvarivanju obrazovnih ciljeva već i u naporu da doprine emocionalnom i socijalnom razvoju djeteta. Način izrade IPP-a se određuje kroz tzv. Pravilnik o inkluzivnom obrazovanju koji je također definiran u navedenom Zakonu. Pravilnik bi trebao odrediti konkretne ali i obavezujuće aktivnosti nastavnog osoblja u redovnim školama i centrima jasno definirati odgovornosti za napredak učenika te potrebne servise podrške. Asistenti, prilagodba prostora itd. koje je Ministarstvo dužno obezbijediti kao podršku obrazovanju učenika s poteškoćama bilo da se

radi o djeci u osnovnim školama ili u centrima. Prema navedenom Zakonu, vi ministre, donosite pravilnik o inkluzivnom obrazovanju, član 86 stav 2) a što još niste uradili. Stoga vas pitam šta je s tim Pravilnikom, da li je u fazi donošenja i ima i neki rok, jer adekvatno obrazovanje hiljade učenika s poteškoćama čeka više od godinu dana da donesete Pravilnik o inkluzivnom obrazovanju u Kantonu Sarajevo. Kao što sam tražio, molim usmeni odgovor. Hvala.”

Zastupnik Vedran Jakupović je podnio sljedeće:

„Hvala predsjedavajući. Pozdravljam sve prisutne u sali i gledaoce ispred malih ekrana. Pitanje za ministricu zdravstva. Može usmeni odgovor. Kada možemo očekivati adekvatno i redovno snabdijevanje stomatološkim materijalom u DZ? Svjedoci smo frustracije i radnika DZ i stanovnika Kantona Sarajevo obzirom da je vrlo, vrlo čest odgovor da nema materijala. Tokom ljeta smo imali mogu slobodno reći kolaps u stomatološkoj zdravstvenoj zaštiti obzirom da je Stomatološki fakultet u generacijskom zanavljanju opreme, tako da opravdano nije bio u prilici pružati stomatološku uslugu. Evo srećom od novembra su usluge ponovo u mogućnosti obavljati na Stomatološkom fakultetu. Ali ono što mene zanima je primarno DZ, kada možemo dakle očekivati redovno snabdijevanje stomatološkim potrošnim materijalom. Dakle može usmeni odgovor ako je ministra u prilici. Hvala vam.”

Zastupnik Igor Stojanović je postavio sljedeće zastupničko pitanje:

„Hvala predsjedavajući. Dobio sam nekoliko zahtjeva od uposlenika i građana koji su tražili statute JKP, ne mogu da dobiju ili u svojim firmama ili na web stranicama ovih firmi. Stoga u ime Kluba zastupnika SDP-a tražim statute svih javno komunalnih preduzeća da mi se dostave. Hvala.”

Dopredsjedavajuća Danijela Kristić je postavila dva zastupnička pitanja:

„Ja bih da pozdravim sve prisutne. Ja imam dva zastupnička pitanja, Ministarstvu privrede upućeno i ZOI 84. prvo zastupničko pitanje i molim usmeni odgovor. U budžetu 2018 godine izdvojen je iznos od milion KM za sanaciju postojećih i izgradnju novih ski staza. Šta je od tih projekata završeno i koliki iznos je utrošen? Drugo zastupničko pitanje je da li nam možete reći koliki su bili prihodi u prošloj sezoni od ski karata, s obzirom da imamo transparentnu informaciju što se tiče Jahorine da je taj prihod iznosio 5.300.000 a za Bjelašnicu nisam mogla da nađem tu informaciju. Hvala.”

Dopredsjedavajući Vibor Handžić je postavio pitanje i uputio inicijativu kako slijedi:

„Zahvaljujem predsjedavajući. S obzirom da se javljam prvi put, pozdravljam sve članove Vlade, zastupnike, goste i gledaoce TVSA. Imam pitanje i inicijativu za Ministarstvo komunalne privrede. Konkretno mislim na JKP Rad na zimsko održavanje puteva i čišćenje ulica evo u ovom prethodnom periodu kada smo imali padavine. Znam da i lokalne zajednice u svojim budžetima ogroman dio sredstava izdvajaju za zimsko održavanje puteva, ja odgovornom tvrdim evo u Opštini Stari Grad iz koje ja dolazi da se ulice na održavaju jednak, čak se neke ulice apsolutno nikako ne čiste, i predstavljaju opasnost i ugrožavaju fizički ljude koji tu žive. Ja molim Ministarstvo da pošalje ili upozorenje ili apel da se ta situacija riješi jer ja ne znam po kojem se uopšte programu i na koji način se vrši sortiranje koje će se ulice čistiti a koje neće. Posebno mislim na opštinu Stari Grad, evo i na druge opštine i na padinske predjele opštine. Hvala.”

Predsjedavajući je konstatovao da je iscrpljena lista prijavljenih zastupnika za pitanja i inicijative pa je kao posljednji podnio dva zastupnička pitanja:

„Prije toga bih vas samo još jednom podsjetio da ste dužni do kraja zasjedanja u pisanoj formi sva pitanja dostaviti ona koja ne dostavite, imali smo takvih problema u prošlim mandatima,

služba ne tretira, a onda poslije zastupnici traže odgovore za koje nemamo evidenciju. Nije dovoljan stenogram, za svako pitanje koje ste postavili, do kraja sjednice u pisanoj formi ga dostavite ovdje na sto i služba će ga tretirati dalje.

Moja dva pitanja su: prvo pitanje menadžmentu KCUS a ono glasi: da li menadžment ima informaciju i plan kada će prestatи sa mjerama štednje a štetu pružanja usluga pacijentima sa područja Kantona Sarajevo? Obrazloženje: sinoć samu pratnji prijatelja bio prisutan na jednoj od sarajevskih klinika KCUS i svjedočio uputama dežurnih ljekara da pacijent sam kupi osnovne potrepštine, voltaren, lijekove, topломjer i još neke.

Moje drugo pitanje je za premijera i ministra finansija i tražim usmeni odgovor. Koliko novca je u novembru i decembru preraspodjelama iz ministarstava rebalansirano na projekte opština, nevladinih organizacija, Grada i ostalih i sa kojih projekata se novac prebacuje? Da li je došlo do obustave nekih projekata predviđenih budžetom Kantona Sarajevo za 2019 godinu, a posebno me zanima projekt Crna rijeka? Obrazloženje: kao predsjedavajući Skupštine Kantona Sarajevo redovno dobijam zaključke sa sjednica Vlade Kantona Sarajevo i uočio sam više milionske preraspodjele. Ne kažem da mi praksa nije poznata, ali uočavam projekte koji nemaju potrebne dokumente za realizaciju dok s druge strane postoji potreba isplate plata sa novom osnovicom koju je Vlada potpisala u septembru 2018 godine a očigledno je u realizaciji ovog budžeta zanemaruje. Tražim usmeni odgovor."

Zastupnik Sead Milavica se javio za riječ kako bi dopunio pitanje koje su već uputili na Skupštinu: „Zahvaljujem predsjedavajući. Sve vas srdačno pozdravljam. Predsjedavajući, Vladu, kolege zastupnice i goste, želim vam svima prijatan i ugodan dan danas. Vidim da će biti puno posla. Mi smo postavili jedno pitanje, već je predato personalu Skupštine Kantona, međutim želio bih ovako da javno još jednom to pitanje pročitam da ne bi ostalo nedorečeno. Dakle, pitanje se postavlja Vladi odnosno premijeru Vlade Kantona Sarajevo. Kada će konačno Vlada Kantona Sarajevo pokušati odgovoriti na silna pitanja roditelja koji svakodnevno pišu pisma o problemima sa kojima se susreću sa djecom oboljelom od autizma. Kada će odgovorni konačno shvatiti da ta populacije dje zaslužuje daleko vežu pažnju nego što i m društvo pruža. Molim usmeni ali i pismeni odgovor premijera Vlade Kantona Sarajevo. Ovo može biti usmeni odgovor a pismeni ćemo svakako dobiti. Zahvaljujem se.”

Usmene ugovore dali su sljedeći ministri: Čedomir Lukić ministar prostornog uređenja, građenja i zaštite, Zilha Ademaj ministrica zdravstva, Elvir Kazazović ministar za obrazovanje, nauku i mlade, Jasmin Halebić ministar finansija, Muhamrem Šabić ministar privrede, Amela Dautbegović ministrica za rad, socijalnu politiku, raseljena lica i izbjeglice, Mujo Fišo ministar saobraćaja i Muhamrem Fišo ministar za boračka pitanja.

Komentare na usmene odgovore imali su sljedeći zastupnici/zastupnice: Zvonko Marić, Bibija Kerla, Vildana Bešlija, Segmedina Srna Bajramović, Vedran Jakupović, Jasna Duraković i Damir Marjanović.

AD – 2.

NACRT BUDŽETA KANTONA SARAJEVO ZA 2019.GODINU

Ministar finansija Jasmin Halebić je prezentovao Nacrt Budžeta Kantona Sarajevo za 2019. godinu uz projekciju.

Nakon ministra finansija Skupštini se obratio premijer Adem Zolj.

Predsjedavajući Konaković je otvorio prostor za pitanja po Nacrtu Budžeta za 2019. godinu i na listi prijavljenih našli su se sljedeći zastupnici/zastupnici: Bibija Kerla, Danijela Kristić, Damir Nikšić, Mirza Čelik, Arijana Memić, Elvedin Okerić, Segmedina Srna Bajramović, Sabahudin Delalić, Vedran Jakupović, Amel Mekić, Zvonko Marić, Igor Stojanović, Hamed Aljović, Vildana Bešlija, Samra Čosović – Hajdarević, Damir Marjanović, Aljoša Čampara, Amra Hasagić, Neira Dizdarević, Haris Pleho, Vibor Handžić, Senad Hasanović, Jasna Duraković i Smiljana Viteškić.

Nakon postavljenih pitanja predsjedavajući je dao pauzu u trajanju od sat vremena sa najavom nastavka sjednice Skupštine u 14,45 sati.

NASTAVAK NAKON PAUZE

Predsjedavajući je podsjetio da su zastupnici uputili pitanja većini ministara pa je pozvao članove Vlade da daju odgovore. Odgovore na pitanja zastupnika po Nacrtu Budžeta Kantona Sarajevo za 2019. godinu dali su: Premijer Adem Zolj, Vedran Mulabdić ministar unutrašnjih poslova, Mirvad Kurić ministar kulture i sporta, Senad Hasanspahić ministar komunalne privrede i infrastrukture, Mujo Fišo ministar saobraćaja, Amela Dautbegović ministrica za rad, socijalnu politiku, raseljena lica i izbjeglice, Elvir Kazazović ministar za obrazovanje, nauku i mlade, Muharem Šabić ministar privrede, Zilha Ademaj ministrica zdravstva i Jasmin Halebić ministar finansija.

Nakon pitanja i odgovora po Nacrtu budžeta Kantona Sarajevo za 2019. godinu otvoren je prostor za diskusiju i na listi govornika bili su sljedeći zastupnici: Damir Marjanović, Vildana Bešlija, Mirza Čelik, Amel Mekić, Igor Stojanović, Segmedina Srna Bajramović, Neira Dizdarević, Amra Junuzović-Kaljić, Samra Čosović-Hajdarević, Damir Nikšić, Danijela Kristić, Jasna Duraković, Vedran Jakupović, Elvedin Okerić, Vibor Handžić, Zvonko Marić, Haris Pleho, Sead Milavica i Elmedin Konaković.

Nakon mnogobrojnih pitanja i konstruktivnih diskusija u Skupštini premijer Adem Zolj se javio za riječ i povukao je sa dnevnog reda Nacrt budžeta Kantona Sarajevo za 2019. godinu i prateći dokument Budžeta Zakon o izvršavanju.

Nakon obraćanja premijer Zolja, predsjedavajući Konaković je dao pauzu u trajanju od 15 minuta kako bi se Vlada izjasnila o definitivnom povlačenju Nacrta budžeta za 2019. godinu.

NASTAVAK NAKON PAUZE

Nakon pauze, predsjedavajući Konaković je predložio da Skupština pređe na razmatranje tačke 4. dok se Vlada ne izjasni po tačkama 2. i 3.

ZASTUPNICI SU PRISTUPILI IZJAŠNJAVANJU I NAKON IZJAŠNJAVANJA KONSTATOVANO JE DA JE OVAJ PRIJEDLOG PRIHVAĆEN JEDNOGLASNO (30 „ZA”).

Usljedila je realizacija 4. tačke dnevnog reda.

AD – 4.

**PRIJEDLOG ODLUKE O IZBORU PREDSJEDAVAJUĆIH, ZAMJENIKA
PREDSJEDAVAJUĆIH I ČLANOVA STALNIH RADNIH TIJELA, SKUPŠTINE
KANTONA SARAJEVO**

Predsjedavajući je podsjetio da je dopunski materijal bio formiranje radnih tijela kako bi mogli pratiti realizaciju budžeta. Te da je nakon političkih konsultacija napravljen prijedlog i sastav komisija u kojim su zadovoljene poslovničke norme da svaki od zastupnika mora biti u minimalno dvije, neki su u više, da svaka komisija broji minimalno 4 zastupnika, maksimalno tri vanjska zastupnika. Nadalje, predsjedavajući je podsjetio da Poslovnik također kaže da se sastav komisija određuje u najbližoj mogućoj mjeri u skladu sa izbornim rezultatom. Predsjedavajući je također napomenuo da se članovi radnih tijela mogu uvjek mijenjati, te da sve stranke u ovom otvorenom procesu mogu podnijeti Komisiji za izbor i imenovanja prijedlog za izmjene vanjskih članova, a i članova iz reda zastupnika.

Zastupnik Mahir Dević je bio jedini prijavljeni za pitanja po ovom Prijedlogu odluke.

Predsjedavajući Konaković i dopredsjedavajući Vibor Handžić ukazali su na dvije tehničke pogreške u Prijedlogu odluke, u Komisiji za jednakopravnost spolova-Vildana Bešlija predsjednica komisije, a Arijana Memić zamjenica, te ispravka slova u imenu jedne članice Komisije.

**PREDSJEDAVAJUĆI KONAKOVIĆ JE ZAKLJUČIO RASPRAVU I POZVAO JE
ZASTUPNIKE DA SE IZJASNE O PRIJEDLOGU ODLUKE O IZBORU
PREDSJEDAVAJUĆIH, ZAMJENIKA PREDSJEDAVAJUĆIH I ČLANOVA
STALNIH RADNIH TIJELA, SKUPŠTINE KANTONA SARAJEVO.**

**NAKON GLASANJA PREDSJEDAVAJUĆI JE KONSTATOVAO DA JE
SKUPŠTINE VEĆINOM GLASOVA (22 „ZA”, 8 „SUZDRŽANIH”) DONIJELA
ODLUKU O IZBORU PREDSJEDAVAJUĆIH, ZAMJENIKA PREDSJEDAVAJUĆIH
I ČLANOVA STALNIH RADNIH TIJELA, SKUPŠTINE KANTONA SARAJEVO.**

Predsjedavajući je konstatovao da je iscrpljen dnevni red Prve radne sjednice te je podsjetio da je Nacrt budžeta Kantona Sarajevo povučen sa ove sjednice i da će Kolegij naredni dan utvrditi termin za održavanje hitne sjednice Skupštine na kojoj će se imenovati nova Vlada Kantona Sarajevo.

Zapisnik izradila:
Jasminka Deliahmetović

Po ovlaštenju

S E K R E T A R

SKUPŠTINE KANTONA SARAJEVO

Almira Kulovac Šetkić, dipl. Pravnik

P R E D S J E D A V A J U ĆI

SKUPŠTINE KANTONA SARAJEVO

Elmedin Konaković

